



Uunga
Inatsisartunut ilaasortaq

Mimi Karlsen
Inuit Ataqatigiit

Ilageeqarnermut suliassa qarfik pillugu § 37 naapertorlugu apeqqummut akissut (2018-103)

Allakap ullua: 12. Juni 201
Suliap nr: 2108-1232
Allakkat Nr. 3050252

Asasara Mimi Karlsen,

Postboks 102
3900 Nuul

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Oqarasuaat: +299 34 50 0
Email: ikin@nanoq.gl
www.nanoq.gl

Apeqqut 1: Naalakkersuisut nunatsinni oqaluffiit iluarsartuunnissaannut qanoq pilersaaruteqarpat

Akissut: 2016-imi oqaluffiit qanoq innerannik nalunaarsuisimanerit kiisalu ilagiit sinniisaasa kissaatigisaat nalunaarutigineqarsimasut tunngavigalugit Naalakkersuisut 2018-imut iluarsartuussinissamik makkuninnga pilersaaruteqarput:

- Aasianni oqaluffik: qisunnit sanaajusumik qaliamik taarsersuineq kiisalu aserfallatsaaliinissamut suliassat allat
- Kangaatsiami oqaluffik: sisammit sanaajusumik pujoorfimmik ussiitsumik aaqqiineq
- Ilimanami oqaluffik: igalaanik iluarsaassineq, matumik silarlarmik taarsiineq, silataanik iluaniittumillu qalipaaneq
- Annaassisitta Oqaluffia: isaarissami tummeqqanik iluarsartuussineq
- Oqaatsuni oqaluffik: qaliamik ussiitsumik iluarsartuussineq qalipaanerlu
- Qeqertami oqaluffik: qaliamik ussiitsumik iluarsartuussineq
- Saattuni oqaluffik: isertarfimmik iluarsartuussineq kiisalu oqaluffiup tunuaniittumik matumik taarsiineq

Taassuma saniatigut Igalikomi oqaluffiup qilaavata ussiitup iluarsartuunneqarlunilu oqaluffiup iluata qalipanneqarnissaa Naalakkersuisunit pilersaarutigineqarpoq. Ilulissani oqaluffiup Zionip natiata qaliatalu sananeqaataasa misissorneqarnissaannik, oqorsarneqarnissaannik isaarissallu iluarsanneqarnissaanik aamma Naalakkersuisut pilersaaruteqarput. Tassunga peqatigitillugu Qaanaami oqaluffiup igalaavisa taarsersornissaannut suliariumannittussarsiorneq sulissutigineqarpoq.

Taassuma saniatigut ilageeqarnermut tunngatillugu immikkoortunut pilersaarusiap siunissami iluarsartuussinissamut pilersaarutinik imaqartussap 2018-imi aallartinneqarnissaa Ilageeqarnermut Naalakkersuisoqarfimmit eqqarsaatigineqarpoq.

Apeqqut 2: Oqaluffiit iluarsaattuunneqassappata periuseq suna atorlugu tullerriarneqassappat?

Akissut: Ilagiit sinniisaasa Biskoppeqarfimmut kissaatit nalunaarutiginiusaat aallaavigalugit tullerriaarisoqarluni aserfallatsaaliisoqarlunilu iluarsaassisoqassaaq. 2016-imi pissutsit pillugit nalunaarsuisimanerit tunngavigalugit aamma tullerriaarisoqassaaq.

Apeqqu 3: Nunaqarfinni illoqarfinniluunniit oqalufiit iluarsartuunnissaanni qanoq pingaarnersiuisoqassava? Qanorlu akeqassappat?

Akissut: Pingaarnersiuiineq pillugu apeqqu 2-mut akissut takuuk.

Siuliani allassimasut tunngavigalugit oqaluffiit aserfallatsaaliorneqarnissaannut iluarsartuunneqarnissaannullu 3.5 mio. kr.-t missaannik immikkoorsisoqarpoq.

Apeqqu 4: Ittoqqortoormiuni oqaluffik qanoq pilersaarutigineqarpa? Nutaamik sanasoqassava? Aningaasanik immikkoortitsisoqareerpa?

Akissut: Ittoqqortoormiini oqaluffiup iluarsartuunneqarnissaanut Naalakkersuisut siunertaqarput. C-nut missingersuutit sanaartornermi siunnersortimit suliarineqarsimasut tunngavigalugit annertunerusumik iluarsartuussinissaq pisariaqartinneqarpoq. Taamaammat iluarsartuussinissamut pilersaarusiornissamut aningaasaliissutissarsiorluni ilageeqarnermut Naalakkersuisoqarfik suliaqarluni aallartereerpoq.

Med venlig hilsen



Vivian Motzfeldt